

आकाशवाणी

1. प्रधानमंत्री नरेंद्र मोदी अज्ज आंध्र प्रदेश दे विशाखापटनम च 2 लक्ख करोड़ रुपे दी रक्में दे बरोबरै दे कई प्रोजैक्टें दी बुनियाद रक्खने दे कन्नोकन्नी कई प्रोजैक्टें दा उद्घाटन करडन।
2. 18मीं प्रवासी भारतीय दिवस सम्मेलन अज्ज थमां भूवनेश्वर च शुरू होग।
3. संयुक्त संसदीय कमेटी दी पैहली मीटिंगें च अज्ज इक्क राश्ट्र इक चुनां कन्नै जुड़े दे 2 बिल पर अज्ज गल्लबात करोग।
4. उत्तर भारत च घने कोहरे ते सीत लैहर दे प्रकोप करी ट्रेनें ते जहाजें दी डुआरिएं च देरी दिक्खने गी थहोई।
5. हॉकी इंडिया लीग 2024-25 च कालिंगा लैंसर्स नै बेंगाल टाइगर्स गी हराइयै पैहली जित दर्ज कीती।

<><><><><><>

PM-Andhra Pradesh

प्रधानमंत्री नरेन्द्र मोदी होर अज्ज आंध्र प्रदेश दे विशाखापत्तनम च 2 लक्ख करोड़ रुपें शा मते दी परियोजनाएं दा लोकार्पण ते शुभारंभ करडन ते केई परियोजनाएं दा नीह पत्थर बी रक्खडन। ओह विशाखापत्तनम दे नेड़े पुदिमदका च एनटीपीसी ग्रीन एनर्जी लिमिटेड दी भलेआं अज्जै-कल्लै दी हरित हाईड्रोजन केंद्र परियोजना दा नीह पत्थर रक्खडन। एह राश्ट्री हरित हाईड्रोजन मिशन दे तैहत पैहला हरित हाईड्रोजन केंद्र होग। इस परियोजना पर तकरीबन 1 लक्ख 85 ज्हार करोड़ रुपें दा निवेश होग। प्रधानमंत्री होर आंध्र प्रदेश च 19 ज्हार 500 करोड़ रुपें शा मते दी रेल ते सिड़क परियोजनाएं दा बी नीह पत्थर रक्खडन ते केई परियोजनाएं दा शुभारंभ करडन।

<><><><><><>

Pravasi-Bhartiya Diwas

18मां प्रवासी भारती दिवस सम्मेलन अज्जै थमां भुवनेश्वर च शुरू होआ करदा ऐ। 75 मुख्यें थमां तकरीबन 6 ज्हार भारतवंशी सम्मेलन लेई स्वदेश आवै करदे न। ओडिशा सरकार प्रवासी भारतीयें अगगे राज्यें दी सगगोसार संस्कृति ते विरासत दी झलक पेश करोग। राज्य सरकार आसेआ युवा मामलें ते खेड्डें सरबन्धी मंत्रालय दे सैहयोग कन्नै एहदा आयोजन कीता

जा'रदा ऐ। प्रधानमंत्री नरेन्द्र मोदी होर कल इस सम्मेलन च हिस्सा लैडन ते भारतवंशियें लेई विशेष पर्यटक रेलगड्डी- प्रवासी भारती एक्सप्रेस गी वर्चुअल ढंग्गै कन्नै खाना करडन ते 4 प्रदर्शनिं दा उद्घाटन बी करडन। राष्ट्रपति द्रौपदी मुर्मु होर औंदे शुक्रवारें समापन सत्र दी प्रधानता करडन। ओह बक्ख-बक्ख खेतरें च भारतवंशियें दी उपलब्धियें गी उजागर करदे होई प्रवासी भारती सम्मान भेंट करडन। त्रिनिदाद ते टोबैगो दिआं राष्ट्रपति क्रिस्टीन कार्लो केंगलू होर इस सम्मेलन दिआं मुख्य परौहिनियां होडन। इस बारे इस सम्मेलन दा विशेष-सार ऐ- विकसित भारत लेई भारतवंशियें दा जोगदान।

<><><><><><>

JPC-ONOE

इक देश इक चुनांस कन्नै सरबंध द'ऊं विधेयकें लेई खडेरी गेदी संसद दी सांझी समिति दी पैहली बैठक अज्ज होग। इ'नें विधेयकें च 129मां संविधान संशोधन विधेयक ते केंद्र शासित प्रदेश विधान संशोधन विधेयक, 2024 शामिल न। कानून ते न्यास मंत्रालय दे प्रतिनिधि समिति दे सदस्यें गी प्रस्तावित विधेयकें दे बक्ख-बक्ख प्रावधानें दी जानकारी देडन। 39 मैम्बरी समिति च लोकसभा दे 27 ते राज्यसभा दे 12 सदस्य न। एह समिति अगले संसद सत्र दे अखीरले हफ्ते दे पैहले ध्याड़े अपनी रिपोर्ट सौंपग।

<><><><><><>

Nitin-Gadkari

सड़क, ट्रांसपोर्ट ते जरनेली शिड़कें सरबंधी केंद्री मंत्री नितिन गडकरी होरें समूलचे मुख्यै च ड्राइविंग इंस्टीच्यूट खोलने बारे इक योजना दी घोषणा कीती ऐ जेदे तैहत गड्डी चलाने दी सिखलाई देने आहले ड्राइविंग इंस्टीच्यूटें गी प्रोत्साहन दे तौरा पर पैहा दिता जागं एह पैहा आटोमैटिक टैस्टिंग स्टेशन ते गड्डी चलाने दी सिखलाई लेई संस्थान आहले सांझे ढांचे दी स्थापना लेई दिती जाग। इस बारे इक संवाददाता सम्मेलन च जानकारी दिंदे होई नितिन गडकरी होरें आखेआ जे मुख्यै च काबल ते खरी चाल्ली सिखलाई हासल गड्डी चालकें दी कमी ऐ ते सरकार होर मते ड्राइविंग इंस्टीच्यूट खोलना चाहंदी ऐ तां जे सड़कें पर गड्डी चलाने आहला हर कोई पूरी चाल्ली जानकार ते सिखलाई प्राप्त गै होऐ तां जे सड़क सुरक्षा गी यकीनी बनाया जाई सकै।

<><><><><><>

ISRO-Chairman

केंद्र नै श्री वी. नारायण होरें गी भारतीय अंतरिक्ष अनुसंधान संगठन इसरो दा नमां अध्यक्ष ते अंतरिक्ष मैहकमे दा सचिव नियुक्त कीता ऐ। ओह 14 जनवरी गी अपने ओहदे दी जुम्मेवारी साम्बी लैडन। श्री वी नारायण इसरो दे मौजूदा अध्यक्ष एस. सोमनाथ हुंदी थाहर

लेंगन। नारायण होर एल्लै केरल दे वलियामाला च स्थित इसरो दे लीक्विड प्रोपल्शन सिस्टम सेंटर दे निर्देशक दे तौरा पर अपनियां सेवां देआ करदे न।

<><><><><><>

[Pranav Mukherjee Memorial Site](#)

केंद्र सरकार नै साबका राष्ट्रपति प्रणव मुखर्जी हुंदे चेते च इक स्मार्क बनाने लेई राजघाट परिसर दे तैहत राष्ट्रीय स्मृति परिसर च इक थाहर दी नशानदेही कीती ऐ। सुर्गवासी राष्ट्रपति हुंदी धीह् शर्मिष्ठा मुखर्जी होरें प्रधानमंत्री नरेंद्र मोदी होरें गी मिलियै इस फैसले लेई उंदा आभार प्रगट कीता ऐ।

<><><><><><>

[Amit Shah New Laws](#)

केंद्री गृह मंत्री अमित शाह होरे आखेआ ऐ जे त्रै नमें आपराधिक कनून सजा देने दी मंशा आहले यानि दंड केंद्रित नेई, सगुआं न्याय केंद्रित न, जिंदा मकसद कुसै बी आपराधिक मामले च पीड़ित गी तौले शा तौले न्याय दोआना यकीनी बनाना ऐ। एह् गल्ल उनें नमीं दिल्ली च मुखमंत्री योगी आदित्यनाथ हुंदे नै लग्गी दी बैठका च आक्खी। एह् बैठक इस बरे मार्च म्हीने तगर उत्तर प्रदेश दे सबबनें 7एं कमीशनरेटें च नमें आपराधिक कनूनें दी पूरी चाल्ली लागू करने बारै सलाह सूत्र लेई सददी गेदी ही।

<><><><><><>

[Kumbh Busses](#)

प्रयागराज च महाकुम्भ दौरान उत्तर प्रदेश सड़क, ट्रांसपोर्ट कारपोरेशन रद्दधालुएं लेई इलैक्ट्रिक बस्सां चलाग तां जे उंदी अरामदायक आओजाई यकीनी बनी सकै। भीड़ गी काबू च रक्खने लेई महाकुम्भ खेतर च 7 जहार ग्रामीण बस्सां ते 350 शटल बस्सां बी चलाइयां जांगन। मुख् स्नान आहले दिनें च भीड़ दा बवस्था आहले ढंगै सिर प्रबंधन करने लेई प्रयागराज दे आले देआले 8 आरजी बस अड्डे बी बनाए गेदे न।

<><><><><><>

[IMD-Weather](#)

समूलचे उत्तर भारत च सीत आहले हालात बरोबर जारी न। भारती मौसम विभाग नै पंजाब, हरियाणा, चंडीगढ़, दिल्ली, उत्तर प्रदेश, राजस्थान ते उत्तर मध्य प्रदेश च अज्ज दिनें ठंडू आहली स्थिति बने रौहने दी भविष्यवाणी कीती ऐ। मौसम विभाग नै आखेआ ऐ जे अगले 3-4 दिनें दौरान हिमाचल प्रदेश, पंजाब, हरियाणा, चंडीगढ़, दिल्ली, उत्तर प्रदेश, बिहार ते झारखंड दे किश हिस्सें च बड़लै ते रातीं लै घने कोहरे होने दी गल्ल आक्खी। अज्ज

अरुणाचल प्रदेश, नागालैंड, मणिपुर, मिजोरम ते त्रिपुरा च बक्ख-बक्ख थाहरें पर बी बिजली चमकने ते गरजने आहली स्थिति दिक्खने गी थोई सकदी ऐ। मौसम विभाग नै इब्बी आखेआ ऐ जे अगले 2 दिनें दौरान उत्तर भारत पच्छिम, मध्य ते पूर्वी भारत च तापमान दे 2 थमां 4 डिग्री सैल्यिस तापमान च गिरावट होग। दिल्ली जाने आहली तकरीबन 30 ट्रेनां त्रै थमां चार घंटे तगर अज्ज देरी कन्नै चला रदियां न।

<><><><><><>

Hockey India League

हॉकी इंडिया लीग च वेदांत कलिंग लैंसर्स नै Shraichi Rurh Bengal Tigers गी 6-0 कन्नै हराइयै इस सीजन दी अपनी पैहली जित्त दर्ज कीती। गोनसिका टीम दा मुकाबला संझा 6 बजे तमिल नाडू ड्रैगन्स कन्नै होग ते एहदे मगरा U P Rudras ते हैदराबाद तूफान्स बश्कार रातीं सवा 8 बजे मुकाबला होग।

<><><><><><>

Malaysia

पाकिस्तान दे कब्जे आहले गिलगित बाल्तिस्तान दे पहाड़ी इलाकें च बिजली दी कटौती गी लेइयै जारी विरोध-प्रदर्शनें दे चलदे कल उप्परोतली 5में रोज बी पाकिस्तान ते चीन बश्कार बपार कारोबार आहला रस्ता बंद रेहा। प्रदर्शनकारिएं आखेआ जे पाकिस्तान सरकार गी इस इलाके दे लोकें दी कोई परवाह नेई ते ओह शइक इस इलाके दे संसाधनें-वसीलें दा फैयदा लै करदी ऐ-पर इलाके च लोकें गी बुनियादी सुविधां बी उपलब्ध नेई कराइयां जारदियां। इस इलाके च पूरी ध्याड़ी च मसां कोई इक्क डेढ घंटा गै बिजली औंदी ऐ।

<><><><><><>